

“Андижон 1-сон пахта тозалаш” акциядорлик жамияти
акциядорларининг навбатдаги йиллик умумий йиғилишининг
9-сон
БАЁННОМАСИ

2020 йил 15 июль
соат 11-00

Андижон вилояти, Андижон тумани,
Гулобод ШФЙ, Файзиобод кўча, 9-уй

Йиғилиш иштирокчилари:

“Андижон 1-сон пахта тозалаш” акциядорлик жамияти акциядорлари ва уларнинг вакиллари (рўйхат илова қилинади).

Йиғилишга таклиф этилганлар:

Х.Абдуллаев–жамият бош директори;

А.Абдулбакиев–жамият бош ҳисобчиси;

Ж.Бобоев–жамият тафтиш комиссияси аъзоси.

Жамият Кузатув кенгаши раиси йиғилишда иштирок эта олмаганлиги муносабати акциядорларнинг йиллик умумий йиғилиши раиси этиб, кузатув кенгаши аъзоси (кузатув кенгаши мажлисининг қарори билан ваколат берилган, “Андижон минтақавий пахта терминали” МЧЖнинг қимматли қоғозлар бўйича иқтисодчиси) У.Акбаралиевни сайлаш таклиф этилди.

Йиғилишда иштирок этётган “Андижонпахтасаноат” АЖ бошқаруви раиси в.б. К.Курбонов 3 кишидан иборат йиғилиш раёсатини ва котибини сайлаш бўйича ўзининг таклифини киритди.

Акциядорлар томонидан очик овоз бериш йўли билан бир овоздан йиғилиш раёсатига ва котиблигига қуйидагилар сайланди:

1. У.Акбаралиев – умумий йиғилиш раиси;

2. К.Курбонов – жамиятнинг йирик акциядори “Андижонпахтасаноат” АЖ бошқаруви раиси в.б.;

3. Х.Абдуллаев – жамият директори.

Йиғилиш котиби этиб, жамиятнинг акциядорлар билан корпоратив муносабатлар хизмати бошлиғи – М.Муминов сайланди.

Йиғилишни, йиғилиш раиси У.Акбаралиев очди ва акциядорлар ҳамда йиғилиш қатнашчиларига қисқача маълумот бериб, йиғилиш кворуми бўйича ахборот бериш учун сўзни санок комиссияси аъзоси Х.Абдуллаевга берди.

Санок комиссияси ахбороти:

Қимматли қоғозлар Марказий Депозитарийси томонидан 2020 йил 25 июнь ҳолатига шакллантирилган “Андижон 1-сон пахта тозалаш” акциядорлик жамияти акциядорлар реестрига мувофиқ, йиғилишда овоз бериш учун 1 110 та акциядорга тегишли 2 802 826 дона акциялар қатнашиши мумкин. Акциядорларни рўйхатдан ўтказиш вақти тугаганда, умумий миқдорда 2 580 518 дона овоз берувчи акцияларга эга бўлган 11 та акциядор (унинг вакили) рўйхатдан ўтди. Бу эса умумий овоз берувчи акцияларнинг 92,07 % ни ташкил этади ва йиғилиш ваколатли (кворум мавжуд) ҳисобланади.

Йиғилиш раиси У.Акбаралиев йиғилиш кун тартибини эълон қилди.

КУН ТАРТИБИ:

1. Умумий йиғилиш регламенти ва санок комиссияси таркибини тасдиқлаш.
2. Жамиятнинг 2019 йил якуни ва бизнес – режаси кўрсаткичларини бажарилиши бўйича жамият бошқарув раисининг хисоботини тасдиқлаш.
3. Жамиятнинг 2019 йил якуни бўйича йиллик бухгалтерия баланси ва молиявий натижаларини тасдиқлаш.
4. Жамиятнинг 2019 йил якуни бўйича тафтиш комиссиясининг хулосасини тасдиқлаш.
5. Жамият Кузатув Кенгашининг 2019 йил якуни бўйича хисоботини тасдиқлаш.
6. Жамият ташқи аудиторининг 2019 йил молия-хўжалик якуни бўйича хулосасини тасдиқлаш.
7. Корпоратив бошқарув тизимини баҳолаш бўйича хисоботини тасдиқлаш.
8. Жамиятнинг 2019 йил якуни бўйича олинган соф фойдасини тақсимлаш.
9. Жамият ижроия органи раҳбари билан тузилган меҳнат шартномасининг муддатини узайтиришни кўриб чиқиш.
10. Жамиятнинг 2020 йил якуни бўйича аудиторлик текширувини ўтказиш учун аудиторлик ташкилотини ва унинг хизматига тўланадиган ҳақнинг энг кўп миқдорини белгилаш.
11. Жамиятнинг 2020 йил учун бизнес-режасини тасдиқлаш.
12. Жамият кузатув кенгаши аъзоларини сайлаш.
13. Жамият тафтиш комиссияси аъзоларини сайлаш.
14. Жамият активларидан самарали фойдаланишни ташкил этиш, жумладан мулкларни оммавий савдоларда сотиш, маҳаллий хокимият ёки давлат бошқарув органлари балансига ўтказиш.
15. Ўзбекистон Республикаси Вазирлар Маҳкамасининг 2019 йил 18 ноябрдаги “Республика худудларида пахта-тўқимачилик ишлаб чиқаришини жорий этиш механизмларини янада кенгайтириш чоратадбирлар тўғрисида” ги 914-сон қарори ижроси бўйича “Андижон 1-сон пахта тозалаш” акциядорлик жамияти томонидан йирик битим тузиш тўғрисида.(914-қарорга кирган жамиятлар учун)

Кун тартиби эълон қилинганидан сўнг, муҳокамага ўтилди.

Кун тартибидаги биринчи масала-Умумий йиғилиш регламенти ва санок комиссияси таркибини тасдиқлаш: йиғилиш раиси У.Акбаралиев сўзга

чиқиб, йиғилиш регламентини йиғилиш қатнашчиларига ўқиб эшиттирди ва йиғилиш иштирокчиларига қуйидагиларни маълум қилди:

Мазкур йиғилиш кун тартибида 15 та масала кўрсатилганлигини ва ҳар бир масала бўйича маърузачига - 5 (беш) дақиқадан, муҳокама учун - 5 (беш) дақиқагача вақт ажратилиши мақсадга мувофиқ эканлигини айтиб, жамият акциядорларидан акциядорларнинг йиллик умумий йиғилиши регламентини ушбу таклиф бўйича тасдиқлаш масаласига ўз муносабатларини бюллетенда овоз бериш орқали билдиришларини сўради.

Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 66-моддасига асосан овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан санок комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланиши белгиланган.

Шунга асосан, жамият кузатув кенгашинининг 2020 йил 27 июндаги мажлис қарорига кўра санок комиссияси таркибига қуйидаги шахслар тасдиқланган.

1. М.Муминов-Санок комиссия раиси;
2. Т.Абдумаликов-Санок комиссия аъзоси;
3. М.Абдукаримов-Санок комиссия аъзоси.

Жамият акциядорларидан санок комиссияси сони ҳамда таркибини тасдиқлаш масаласи бўйича ўз муносабатларини бюллетень орқали овоз беришларини сўради.

Ушбу масала юзасидан овоз бериш натижалари:
“Ёклаганлар” – 2 580 518 та овоз билан 100,0%;
“Қаршилар”- 0 та овоз; “Бетарафлар”- 0 та овоз.
Нотўғри тўлдирилган бюллетенлар йўқ.

Кун тартибидаги биринчи масала бўйича акциядорларнинг йиллик умумий йиғилиши қарор қилади:

1. Жамият акциядорлари йиллик умумий йиғилишининг ҳар бир масаласи бўйича маърузачига - 5 (беш) дақиқадан, муҳокама учун - 10 (ўн) дақиқадан, санок комиссияси ишига 5 (беш) дақиқадан вақт ажратган ҳолда умумий йиғилиш регламенти тасдиқлансин.

1.1 “Андижон 1-сон пахта тозалаш” АЖ акциядорларининг навбатдаги йиллик умумий йиғилиши санок комиссияси уч кишидан иборат қуйидаги таркибда тасдиқлансин:

- 1) М.Муминов - Санок комиссия раиси.
- 2) Т.Абдумаликов - Санок комиссия аъзоси.
- 3) М.Абдукаримов - Санок комиссия аъзоси.

Кун тартибидаги иккинчи масала-Жамиятнинг 2019 йил якуни ва бизнес режаси кўрсаткичларини бажарилиши бўйича жамият бошқарув раисининг ҳисоботини тасдиқлаш: жамият ижроия органи раҳбари – Х.Абдуллаев сўзга чиқиб, жамиятнинг 2019 йилдаги фаолияти бўйича ҳисобот берди (*ҳисобот илова қилинади*).

Ҳисоботда жамиятни ривожлантириш стратегиясига эришиш бўйича кўрилатган чора-тадбирлар, ишлаб чиқариш, молиявий-хўжалик фаолияти ва бизнес-режа бажарилиши тўғрисидаги кўрсаткичлар, амалга оширилган ишлар ўз аксини топган.

Йиғилиш қатнашчилари томонидан жамият бош директорининг 2019 йилда олиб борган фаолияти бўйича ҳисоботи муҳокама қилиниб, йўл қўйилган камчиликлар юзасидан Молиявий масалалар бўйича директор А.Абдулбакиевга тегишли топшириқлар берилди.

Йиғилиш раиси У.Акбаралиев акциядорлардан жамият бош директорининг 2019 йилдаги фаолиятига баҳо бериш ва унинг ҳисоботини маълумот учун қабул қилиш масаласи бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 2 580 518 та овоз билан 100,0%;

“Қаршилар”- 0 та овоз; “Бетарафлар”- 0 та овоз.

Нотўғри тўлдирилган бюллетенлар йўқ.

Кун тартибидаги иккинчи масала бўйича акциядорларнинг йиллик умумий йиғилиши қарор қилади:

1. Жамият ижроия органи раҳбарининг 2019 йилдаги фаолияти ҳамда бизнес-режа кўрсаткичларини бажарилиши бўйича жамият Бош директорининг ҳисоботи маълумот учун қабул қилинсин ва жамият ижроия органининг 2019 йилдаги фаолияти қониқарли деб топилсин.

Кун тартибидаги учинчи масала-Жамиятнинг 2019 йил якуни бўйича йиллик бухгалтерия баланси ва молиявий натижаларини тасдиқлаш: Жамият бош бухгалтери А.Абдулбакиев сўз олиб, жамиятнинг баланс ва молиявий кўрсаткичлари, йил давомида олинган даромадлар ва харажатлар таркиби билан таништирди. Жамият акциядорларининг 2020 йил 15 июлда ўтказилган умумий йиғилиши қарори билан 2019 йил якуни бўйича жамиятнинг молиявий хўжалик фаолиятини миллий ва халқаро стандартларига мувофиқ аудиторлик текширувидан ўтказиш учун “Иктидор-аудит-информ” МЧЖ танлаб олинган.

Бирок, Ўзбекистон Республикаси Президентининг “Коронавирус пандемияси даврида аҳоли, иқтисодиёт тармоқлари ва тадбиркорлик субъектларини қўллаб-қувватлашга доир қўшимча чора-тадбирлар тўғрисида” 2020 йил 03 апрелдаги ПФ-5978-сон фармонининг 15-бандига кўра “мажбурий аудиторлик текширувидан ўтказилиши лозим бўлган хўжалик юритувчи субъектларни 2019 йил якунлари бўйича аудиторлик текширувидан ўтказиш

муддати 2020 йил 1 октябргача узайтирилиши” белгиланганлиги сабабли бугунги кунга қадар мажбурий аудиторлик текшируви ўтказилмаган.

Ўзбекистон Республикасининг янги таҳрирда қабул қилинган “Аудиторлик фаолияти тўғрисида”ги қонуни 10-моддаси-“Мажбурий аудиторлик текшируви” бандига кўра акциядорлик жамиятлари ҳар йили мажбурий аудиторлик текширувидан ўтказиладиган жамият ва корхоналар рўйхатига киритилган.

Шундан келиб чиқиб, йиғилиш раиси жамиятнинг 2019 йилги молиявий хўжалик фаолияти яқунлари аудиторлик ташкилоти томонидан текшириш ўтказилганидан сўнг жамиятнинг даромад ва харажатларига, соф фойданинг миқдорига аниқлик киритилишини эътиборга олиб, ижро органи томонидан тақдим этилган жамиятнинг 2019 йиллик ҳисоботи, йиллик бухгалтерия баланси ва молиявий натижаларини тасдиқлашни овоз бериш бюллетенларда акс эттиришларини сўради.

Ушбу масала юзасидан овоз бериш натижалари:

**“Ёқлаганлар” – 0 та овоз; “Қаршилар”- 2 580 518 та овоз билан 100,0%;
“Бетарафлар”- 0 та овоз. Нотўғри тўлдирилган бюллетенлар йўқ.**

Кун тартибидаги учинчи масала бўйича акциядорларнинг йиллик умумий йиғилиши қарор қилади:

1. Жамиятнинг 2019 йиллик ҳисоботи, йиллик бухгалтерия баланси ва молиявий натижаларини тасдиқлаш рад этилсин.

2. Юзага келган пандемия сабабли Республика ҳудудида карантин эълон қилинганлигидан келиб чиқиб, жамиятнинг 2019 йил яқунлари бўйича молиявий хўжалик фаолиятини ташқи аудиторлик ташкилоти томонидан миллий ва халқаро стандартларга мувофиқ ўтказиладиган аудиторлик текширувидан кейин, тегишли хулосалари олинганидан сўнг йиллик ҳисоботи, бухгалтерия баланси ва молиявий натижаларини тасдиқлаш жамият акциядорларининг навбатдан ташқари ўтказиладиган умумий йиғилиши кун тартибига киритилсин.

Кун тартибидаги тўртинчи масала-Жамиятнинг 2019 йил якуни бўйича тафтиш комиссиясининг хулосасини тасдиқлаш: йиғилиш раиси У.Ақбаралиев жамиятнинг тафтиш комиссияси аъзоси Ж.Бобоевга сўз берди.

Андижон 1-сон Пахта тозалаш жамиятнинг 2019 йил яқунлари бўйича молия-хўжалик фаолиятини текшириш яқунларига кўра тайёрланган тафтиш комиссияси хулосасини ўқиб эшиттирди (хулоса илова қилинади).

Йиғилишда раислик қилувчи У.Ақбаралиев акциядорлардан жамият тафтиш комиссиясининг хулосасини маълумот учун қабул қилишни таклиф этди ва ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

**“Ёқлаганлар” – 2 580 518 та овоз билан 100,0%;
“Қаршилар”- 0 та овоз; “Бетарафлар”- 0 та овоз.
Нотўғри тўлдирилган бюллетенлар йўқ.**

Кун тартибидаги тўртинчи масала бўйича акциядорларнинг йиллик умумий йиғилиши қарор қилади:

1. Жамиятнинг 2019 йил якунлари бўйича молия-хўжалик фаолиятини текшириш якунларига кўра тузилган тафтиш комиссиясининг хулосаси маълумот учун қабул қилинсин.

Кун тартибидаги бешинчи масала-Жамият Кузатув Кенгашининг 2019 йил якуни бўйича ҳисоботини тасдиқлаш: йиғилиш раиси сўзга чиқиб, йиғилиш катнашчиларига кузатув кенгашининг 2019 йилдаги фаолияти бўйича ҳисоботини ўқиб эшиттирди (*ҳисобот илова қилинади*).

Ҳисоботда асосан кузатув кенгаши томонидан жамиятни ривожлантириш стратегиясига эришиш бўйича кўрилаётган чора-тадбирлар, ўтказилган йиғилишлар, йиғилишларда қабул қилинган қарорлар ўз аксини топган.

Йиғилишда раислик қилувчи У.Акбаралиев акциядорлардан жамият кузатув кенгашининг 2019 йилдаги фаолияти бўйича ҳисоботини маълумот учун қабул қилиш масаласи бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 2 580 518 та овоз билан 100,0%;

“Қаршилар”- 0 та овоз; “Бетарафлар”- 0 та овоз.

Нотўғри тўлдирилган бюллетенлар йўқ.

Кун тартибидаги бешинчи масала бўйича акциядорларнинг йиллик умумий йиғилиши қарор қилади:

1. Жамият кузатув кенгашининг 2019 йилдаги фаолияти бўйича ҳисоботи маълумот учун қабул қилинсин ва Кузатув кенгашининг 2019 йилдаги фаолияти қониқарли деб топилсин.

Кун тартибидаги олтинчи масала-Жамият ташқи аудиторининг 2019 йил молия-хўжалик якуни бўйича хулосасини тасдиқлаш:

Йиғилишда иштирок этаётган жамият директори Х.Абдуллаевга сўзга чиқиб, “Иктидор-аудит-информ” МЧЖ мутахассислари жорий йилнинг март ойи иккинчи ярмида жамиятга келиб шартнома имзолаганликларини, лекин юқорида айтиб ўтилганидек пандемия сабабли ҳудудларда карантин эълон қилинганлиги, бундан ташқари аудиторлик ташкилоти томонидан кўрсатиладиган хизматлар учун аввалдан аванс (бўнак) ўтказилиши ҳақида шартномада кўрсатилганлиги ҳолатларига кўра жамиятнинг текшириш ишлари амалга ошмай қолганлиги, шунингдек умумий йиғилишларни ўтказиш муддатлари ҳам 01 октябрга қадар узайтирилганлигини таъкидлаб, ташқи аудиторлик хулосалари олинмаганлиги тўғрисида ахборот берди.

Шундан келиб чиқиб, йиғилиш раиси жамиятнинг 2019 йилги молиявий хўжалик фаолияти якунлари юзасидан миллий ва халқаро стандартларга мувофиқ аудиторлик ташкилотининг хулосалари олинмаганлигини, Ўзбекистон Республикасининг янги таҳрирда қабул қилинган “Аудиторлик фаолияти тўғрисида”ги қонуни 10-модда-“Мажбурий аудиторлик текшируви”

моддасига кўра акциядорлик жамиятлари ҳар йили мажбурий аудиторлик текширувидан ўтказиладиган жамият ва корхоналар рўйхатига киритилганлигини эътиборга олиб овоз бериш бюллетенларида ақс эттиришларини сўради.

Ушбу масала юзасидан овоз бериш натижалари:
“Ўқлаганлар” – 0 та овоз; “Қаршилар”- 2 580 518 та овоз билан 100,0%;
“Бетарафлар”- 0 та овоз. Нотўғри тўлдирилган бюллетенлар йўқ.

Кун тартибидаги олтинчи масала бўйича акциядорларнинг йиллик умумий йиғилиши қарор қилади:

1. Жамиятнинг 2019 йил молия-хўжалик фаолияти яқунлари бўйича миллий ва халқаро стандартларга мувофиқ аудиторлик хулосалари олинмаганлиги сабабли тасдиқлаш масаласи рад этилсин.

2. Юзага келган пандемия сабабли Республика ҳудудида карантин эълон қилинганлигидан келиб чиқиб, жамиятнинг 2019 йил яқунлари бўйича молиявий хўжалик фаолиятини ташқи аудиторлик ташкилоти томонидан миллий ва халқаро стандартларга мувофиқ аудиторлик текширув ўтказилгандан сўнг ҳамда тегишли хулосаларни олингандан сўнг аудиторлик хулосаларини тасдиқлаш жамият акциядорларининг навбатдан ташқари ўтказиладиган умумий йиғилиши кун тартибига киритилсин.

Кун тартибидаги еттинчи масала-Корпоратив бошқарув тизимини баҳолаш бўйича ҳисоботини тасдиқлаш: йиғилиш раиси У.Ақбаралиев сўзни жамиятнинг акциядорлар билан корпоратив муносабатлар хизмати бошлиғи М.Муминовга берди.

Андижон 1-сон Пахта тозалаш акциядорлик жамиятнинг 2019 йил яқунлари бўйича корпоратив бошқарув тизимини мустақил баҳолаш ООО “Баҳолаш Консалтинг Маркази” томонидан ўтказилганлигини маълум қилиб; ушбу ташкилотнинг хулосасини акциядорларга ўқиб эшиттирди.

Хулосага асосан, жамиятнинг корпоратив бошқарув тизимида бир қанча камчиликлар аниқланган ва жамият корпоратив бошқарув тизими даражаси – қониқарли деб эътироф этилган.

Йиғилиш раиси У.Ақбаралиев сўзга чиқиб, Корпоратив бошқарув кодексига асосан жамиятларда ўтказилган корпоратив бошқарув тизимини мустақил баҳолаш натижаларида аниқланган камчиликларни бартараф қилиш бўйича чоралар кўриш ижроия органи зиммасига юклатилганлигини айтиб ўтди.

Йиғилишда раислик қилувчи У.Ақбаралиев акциядорларга жамиятда 2019 йил яқунлари бўйича ўтказилган корпоратив бошқарув тизимини мустақил баҳолаш бўйича берилган хулосани маълумот учун қабул қилишни ва ўз муносабатларини бюллетенда овоз бериш орқали билдиришни таклиф этди.

Ушбу масала юзасидан овоз бериш натижалари:
“Ёқлаганлар” – 2 580 518 та овоз билан 100,0%; “Қаршилар”- 0 та овоз;
“Бетарафлар”- 0 та овоз. Нотўғри тўлдирилган бюллетенлар йўқ.

Кун тартибидаги еттинчи масала бўйича акциядорларнинг йиллик умумий йиғилиши қарор қилади:

1. Жамиятда 2019 йил якунлари бўйича ўтказилган корпоратив бошқарув тизимини мустақил баҳолаш натижалари бўйича ООО “Баҳолаш Консалтинг Маркази” МЧЖнинг хулосаси маълумот учун қабул қилинсин.

2. Жамият ижроия органи раҳбарига:

- 2019 йил якунлари бўйича ўтказилган корпоратив бошқарув тизимини мустақил баҳолаш натижаларида аниқланган камчиликларни бартараф этиш бўйича тегишли чораларни кўрсин ва икки ҳафта муддат ичида жамият кузатув кенгашига йўл қўйилган камчиликларни бартараф этиш бўйича тузилган чора-тадбирларни киритсин.

Кун тартибидаги саккизинчи масала-Жамиятнинг 2019 йил якуни бўйича олинган соф фойдасини тақсимлаш: йиғилиш раиси У.Ақбаралиев сўзни жамиятнинг бош директори Х.Абдуллаевга берди.

Х.Абдуллаев жамият 2019 йил якуни бўйича 643 027 минг сўм соф фойда олганлигини, лекин юзага келган пандемия сабабли Республика ҳудудида карантин эълон қилинганлигидан келиб чиқиб, жамиятнинг 2019 йил якунлари бўйича молиявий хўжалик фаолиятини ташқи аудиторлик ташкилоти томонидан миллий ва халқаро стандартларга мувофиқ аудиторлик текширувидан утказилмаганлиги ва тегишли хулосалар олинмаганлигини, шу сабабдан ҳам бухгалтерия баланси ва молиявий натижалар ҳисоботлари тасдиқланмаганлиги муносабати билан 2019 йилда олинган 643 027 минг сўм соф фойдани тақсимлаш масаласини жамият акциядорларининг навбатдан ташқари ўтказиладиган умумий йиғилиши кун тартибига киритишни таклиф қилди.

Йиғилиш раиси жамиятнинг 2019 йилги молиявий хўжалик фаолияти якунлари аудиторлик ташкилоти томонидан текшириш ўтказилганидан сўнг жамиятнинг даромад ва харажатларига, соф фойданинг миқдорига аниқлик киритилишини эътиборга олиб, жамият бош директори М. Абдуллаев таклифига ўз муносабатларини овоз бериш бюллетенларида акс эттиришларини сўради.

Ушбу масала юзасидан овоз бериш натижалари:
“Ёқлаганлар” – 0 та овоз; “Қаршилар”- 2 580 518 та овоз билан 100,0%;
“Бетарафлар”- 0 та овоз. Нотўғри тўлдирилган бюллетенлар йўқ.

Кун тартибидаги саккизинчи масала бўйича акциядорларнинг йиллик умумий йиғилиши қарор қилади:

1. Жамиятнинг 2019 йил молия-хўжалик фаолияти яқунлари бўйича миллий ва халқаро стандартларга мувофиқ аудиторлик хулосалари олинмаганлиги сабабли 2019 йил якуни бўйича олинган соф фойдасини тақсимлаш масаласи рад этилсин.

2. Юзага келган пандемия сабабли Республика ҳудудида карантин эълон қилинганлигидан келиб чиқиб, жамиятнинг 2019 йил яқунлари бўйича молиявий хўжалик фаолиятини ташқи аудиторлик ташкилоти томонидан миллий ва халқаро стандартларга мувофиқ аудиторлик текшируви ўтказилгандан сўнг жамиятнинг соф фойдаси тақсимотини кўриб чиқиб тасдиқлаш жамият акциядорларининг навбатдан ташқари ўтказиладиган умумий йиғилиши кун тартибига киритилсин

Кун тартибидаги тўққизинчи масала-Жамият ижроия органи раҳбари билан тузилган меҳнат шартномасининг муддатини узайтиришни кўриб чиқиш: йиғилиш раиси У.Ақбаралиев сўзга чиқиб, Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 79-моддасига асосан жамият директорининг, жамият бошқаруви аъзоларининг ҳуқуқ ва мажбуриятлари тегишинча ушбу Қонун ва бошқа қонун ҳужжатларида, жамият уставыда ҳамда уларнинг ҳар бири жамият билан бир йил муддатга тузадиган шартномада белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили қарор қабул қилиниши тўғрисида маълумот берди.

Жамият Кузатув кенгашининг 2019 йил 26 сентябрдаги қарори билан тайинланган ижроия органи раҳбари–директори **Абдуллаев Хуршидбек Ахмадулло ўғли**ни тайинлаш ва у билан меҳнат шартномасини бир йил муддатга тузиш таклифини йиғилиш иштирокчилари муҳокамасига киритди ҳамда акциядорларга кун тартибидаги мазкур масала бўйича берилган таклифга ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 2 580 518 та овоз билан 100,0%;

“Қаршилар”- 0 та овоз; “Бетарафлар”- 0 та овоз.

Нотўғри тўлдирилган бюллетенлар йўқ.

Кун тартибидаги тўққизинчи масала бўйича акциядорларнинг йиллик умумий йиғилиши қарор қилади:

1. 2020 йил якуни бўйича ўтказиладиган жамият акциядорларнинг йиллик умумий йиғилишигача бир йил муддатга “Андижон 1-сон пахта тозалаш” АЖ директори этиб **Абдуллаев Хуршидбек Ахмадулло ўғли** тайинлансин.

2. “Андижон 1-сон пахта тозалаш” кузатув кенгаши, жамият директори **Абдуллаев Хуршидбек Ахмадулло ўғли** билан белгиланган тартибда меҳнат шартномасини тузилишини таъминласин.

3. Жамият директори Абдуллаев Хуршидбек Ахмадулло ўғли ўз вазифаларини бажариш даврида барча бирламчи ва банк ҳужжатларига биринчи имзо қўйиш ҳамда жамият Уставида белгиланган ҳуқуқ ва мажбуриятлардан қонун доирасида фойдаланиш ҳуқуқи берилсин.

Кун тартибидаги ўнинчи масала-Жамиятнинг 2020 йил якуни бўйича аудиторлик текширувини ўтказиш учун аудиторлик ташкилотини ва унинг хизматига тўланадиган ҳақнинг энг кўп миқдорини белгилаш: жамиятнинг бош ҳисобчиси ўринбосари А.Ботиров сўзга чиқиб, жамиятда 2020 йил якуни бўйича аудиторлик текширувини, шу жумладан халқаро стандартларга мувофиқ тузилган молиявий ҳисоботларнинг халқаро аудит стандартларига мувофиқ ташқи аудиторлик текширувидан ўтказиш учун аудиторлик ташкилотларидан жамиятга келиб тушган қуйидаги тижорат таклифлари билан йиғилиш қатнашчиларини таништирди

т/р	Аудиторлик ташкилотининг номи	Мурожаат санаси ва рақами	Миллий аудит стандартларга мувофиқ аудиторлик текшируви, минг сўмда	Халқаро аудит стандартларга мувофиқ аудиторлик текшируви, минг сўмда
1	“Финанс-Аудит” МЧЖ	15.02,2020 йил № 16	10 000	10 000
2	“Аудит-Уммон” МЧЖ	18.02,2020 йил № 07	15 000	
3	“Иктидор-Аудит-Информ” МЧЖ	03.03,2020 йил № 04	13 000	
4	«Аудит-Алфа»	11.03,2020 йил № 06	12 000	

Йиғилиш раиси У.Акбаралиев акциядорларидан 2020 йил якуни бўйича аудиторлик текширувини шу жумладан халқаро стандартларга мувофиқ тузилган молиявий ҳисоботларнинг халқаро аудит стандартларига мувофиқ аудиторлик текширувидан ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш масаласи бўйича ўз маносабатларини бюллетен орқали овоз беришларини сўради.

Ушбу масала юзасидан овоз бериш натижалари:

т/р	Аудиторлик ташкилотининг номи	Ёклаганлар	Қаршилар	Бетарафлар
1	“Финанс-Аудит” МЧЖ	2 580 518	0	0
2	“Аудит-Уммон” МЧЖ	0	0	0
3	“Иктидор-Аудит-Информ” МЧЖ	0	0	0
4	«Аудит-Алфа»	0	0	0

Нотўғри тўлдирилган бюллетенлар йўқ.

Кун тартибидаги ўнинчи масала бўйича акциядорларнинг йиллик умумий йиғилиши қарор қилади:

1. 2020 йил якуни бўйича аудиторлик текширувини:

- Миллий аудит стандартларига мувофиқ аудиторлик текширувини ўтказиш учун “Финанс-Аудит” МЧЖ аудиторлик ташкилоти танлансин ва унинг хизматларига тўланадиган ҳақнинг миқдори – 10 000,0 минг сўм белгилансин;

- Халқаро аудит стандартларига мувофиқ аудиторлик текширувини ўтказиш учун “Финанс-Аудит” МЧЖ аудиторлик ташкилоти танлансин ва унинг хизматларига тўланадиган ҳақнинг миқдори – 10 000,0 минг сўм белгилансин.

2. Жамият ижроия органи раҳбарига:

-юқорида кўрсатилган аудиторлик ташкилотлари билан белгиланган тартибда шартномаларни тузсин;

-қонунчиликда белгиланган муддатларда жамият акциядорларнинг умумий йиғилиши ва кузатув кенгашига аудиторлик текшируви натижалари бўйича ҳисобот ва хулосаларни киритсин.

Кун тартибидаги ўн биринчи масала-Жамиятнинг 2020 йил учун бизнес-режасини тасдиқлаш: жамият бош ҳисобчиси А.Абдулбакиевга сўз берилди ва у йиғилиш иштирокчилари эътиборига жамиятнинг 2020 йил учун мўлжалланган бизнес-режаси билан йиғилиш қатнашчиларини таништирди (*йиллик ҳисобот ва бизнес-режа илова қилинади*).

Йиғилиш раиси **У.Акбаралиев** акциядорлардан жамиятнинг 2020 йил учун мўлжалланган бизнес-режасини тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

Ушбу маласа юзасидан овоз бериш натижалари:

“Ёқлаганлар” – 2 580 518 та овоз билан 100,0%;

“Қаршилар”- 0 та овоз; “Бетарафлар”- 0 та овоз.

Нотўғри тўлдирилган бюллетенлар йўқ.

Кун тартибидаги ўн биринчи масала бўйича акциядорларнинг йиллик умумий йиғилиши қарор қилади:

1.жамиятнинг 2020 йил учун мўлжалланган бизнес-режаси тасдиқлансин;

2.жамият директори (Х.Абдуллаев)га: Йил давомида Бизнес режа кўрсаткичлари бажарилишини таъминласин ва бу ҳақида ҳар чорак якуни бўйича жамият Кузатув кенгашига ҳисобот бериб бориш вазифаси юклатилсин.

Кун тартибидаги ўн иккинчи масала бўйича Жамият кузатув кенгаши аъзоларини сайлаш: йиғилиш раиси **У.Акбаралиев** акциядорларга қуйидагиларни маълум қилди.

Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 58-моддасига асосан акциядорларнинг йиллик умумий йиғилишида жамиятнинг кузатув кенгашини ва тафтиш комиссиясини (тафтишчисини) сайлаш тўғрисидаги масалалар ҳал этилиши белгиланган.

Шунингдек, юқорида келтирилган Қонуннинг 63-моддасига асосан жамият овоз берувчи акцияларининг ҳаммаси бўлиб камида бир фоизига эгалик қилувчи акциядорлар (акциядор) жамиятнинг молия йили тугаганидан кейин

ўттиз кундан кечиктирмай, агар жамият уставида бундан кечроқ муддат белгиланмаган бўлса, акциядорларнинг йиллик умумий йиғилиши кун тартибига масалалар киритишга ҳамда жамият кузатув кенгаши ва тафтиш комиссиясига (тафтишчилигига) бу органнинг микдор таркибидан ошмайдиган тарзда номзодлар кўрсатишга ҳақли.

Бугунги кунга қадар “Ўзпахтасаноат” АЖни тугатиш бўйича белгиланган чора-тадбирлар ижросидан келиб чиқиб ҳамда жамиятнинг 2 578 600 дона ёки 92.01 фоиз акция пакети эгаси “Андижонпахтасаноат” АЖнинг 2020 йил 29 майдаги хатига асосан Кузатув кенгашига сайлаш учун қуйидаги номзодлар кўрсатилган.

Кузатув кенгаши таркибига таклиф этилаётган номзодлар:

1. Ашуров Шерзод Сайфутдинович – “Ўзпахтасаноат АЖ Бош мутахассис;
2. Нишанов Шавкатбек Содиқжонович – Давлат активларини бошқариш агентлигининг Андижон вилояти ҳудудий бошқармаси Бошқарма бошлиғи;
3. Асқаров Иззатилло Олтибоевич – Давлат активларини бошқариш агентлигининг Андижон вилояти ҳудудий бошқармаси Бошқарма бошлиғи ўринбосари;
4. Мадакимов Ғайратжон Ғуломжонович – Давлат активларини бошқариш агентлиги Бўлим бошлиғи;
5. Бойқулов Эгамберди Мусурмонқулов – “Ўзпахтасаноат АЖ Бош мутахассис;
6. Джумаев Хушнуд Атамуратович – “Ўзпахтасаноат АЖ Бошқарма бошлиғи;
7. Бобокелдиев Баҳриддин Абдурауфович – “Ўзпахтасаноат АЖ Бошқарма бошлиғи ўринбосари;
8. Қуронбоев Улуғбек Қўчқорович – “Ўзпахтасаноат АЖ Бўлим бошлиғи;
9. Акбаралиев Улуғбек Абдумуталович – “Минтақавий пахта терминали” МЧЖ Қимматли қоғозлар бўйича иқтисодчи.

Муҳокамадан сўнг, йиғилиш раиси У.Акбаралиев акциядорлардан кузатув кенгашига кўрсатилган номзодларни сайлаш учун ўз муносабатларини кумулятив овоз бериш бўйича тузилган бюллетенлар орқали билдиришларини сўради.

Кумулятив овоз бериш натижалари:

- | | |
|---------------------------------------|---------------------|
| 1. Ашуров Шерзод Сайфутдинович | - 2 580 518 та овоз |
| 2. Нишанов Шавкатбек Содиқжонович | - 2 580 518 та овоз |
| 3. Асқаров Иззатилло Олтибоевич | - 2 580 518 та овоз |
| 4. Мадакимов Ғайратжон Ғуломжонович | - 2 580 518 та овоз |
| 5. Бойқулов Эгамберди Мусурмонқулов | - 2 580 518 та овоз |
| 6. Джумаев Хушнуд Атамуратович | - 2 580 518 та овоз |
| 7. Бобокелдиев Баҳриддин Абдурауфович | - 2 580 518 та овоз |
| 8. Қуронбоев Улуғбек Қўчқорович | - 2 580 518 та овоз |
| 9. Акбаралиев Улуғбек Абдумуталович | - 2 580 518 та овоз |

Нотўғри тўлдирилган бюллетенлар йўқ.

Кун тартибидаги ўн иккинчи масала бўйича акциядорларнинг йиллик умумий йиғилиши қарор қилади:

Жамият кузатув кенгаши аъзолигига қуйидагилар сайлансин:

1. Ашуров Шерзод Сайфутдинович;
2. Нишанов Шавкатбек Содиқжонович;
3. Асқаров Иззатилло Олтибоевич;
4. Мадакимов Ғайратжон Ғуломжонович;
5. Бойқулов Эгамберди Мусурмонкулов;
6. Джумаев Хушнуд Атамуратович;
7. Бобокелдиев Бахриддин Абдурауфович;
8. Куронбоев Улуғбек Қўчқорович;
9. Акбаралиев Улуғбек Абдумуталович.

Кун тартибидаги ўн учинчи масала-Жамият тафтиш комиссияси аъзоларини сайлаш: йиғилиш раиси қилувчи У.Акбаралиев сўз олди ва жамият тафтиш комиссияси аъзоларини сайлаш учун жамиятнинг 2 578 600 дона 92,01 фоиз акция улуши эгаси АЖ “Андижонпахтасаноат” ХБ томонидан кўрсатилган номзодлар тўғрисида маълумот берди.

“Андижонпахтасаноат” АЖ томонидан кўрсатилган номзодлар қуйидагилар:

Қурбонов Комилжон Козимжонович – “Минтақавий пахта терминали” МЧЖ Жамият директори в.б;

Джураев Баходиржон Бахтиёрович – “Минтақавий пахта терминали” МЧЖ Кадрлар бўйича менеджер;

Хақимжонов Ғайратбек Шавкатбекович – “Минтақавий пахта терминали” МЧЖ Ўзаро ҳисоб китоблар бўйича иқтисодчи.

Муҳокамадан сўнг, йиғилиш раиси У.Акбаралиев акциядорлардан тафтиш комиссиясига кўрсатилган номзодларни сайлаш учун ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:
“Ёқлаганлар” – 2 580 518 та овоз билан 100,0%;
“Қаршилар”- 0 та овоз; “Бетарафлар”- 0 та овоз.
Нотўғри тўлдирилган бюллетенлар йўқ.

Кун тартибидаги ўн учинчи масала бўйича акциядорларнинг йиллик умумий йиғилиши қарор қилади:

Жамият тафтиш комиссияси аъзолигига қуйидагилар сайлансин:

1. Қурбонов Комилжон Козимжонович;
2. Джураев Баходиржон Бахтиёрович;
3. Хақимжонов Ғайратбек Шавкатбекович.

Кун тартибдаги ўн тўртинчи масала-Жамият активларидан самарали фойдаланишни ташкил этиш, жумладан мулкларни оммавий савдоларда сотиш, маҳаллий ҳокимият ёки давлат бошқарув органлари балансига ўтказиш: йиғилиш раиси У.Ақбаралиев сўзни жамият бош директори Х.Абдуллаевга берди.

Ўзбекистон Республикаси Бош Вазири томонидан 2020 йил 14 май куни 02/1-668-сон билан тасдиқланган “Ўзбекистон Республикаси Президентининг 2020 йил 6 мартдаги “Пахтачилик соҳасида бозор тамойилларини кенг жорий этиш чора-тадбирлари тўғрисида”ги ПҚ-4633-сон қарорига мувофиқ пахтачиликда бозор тамойиллари жорий этилиши муносабати билан “Ўзпахтасаноат” АЖни тугатиш бўйича “Йўл харита”си билан “Ўзпахтасаноат” АЖни тугатиш комиссияси томонидан бажариладиган тадбирлар белгиланди.

Ҳусусан, “Ўзпахтасаноат” АЖ тизимидаги корхоналар ёки уларнинг активларини олиш истагини билдирган инвесторлар билан музокаралар ўтказиш, уларнинг таклифлари асосида объектнинг бошланғич нарҳини шакллантириш ва шу бошланғич шарт сифатида танлов савдоларига чиқариш, оммавий савдоларга икки ой муддат мобайнида таклиф этиш орқали Давлат тендер комиссияси қарори асосида сотиш чораларини кўриш “Ўзпахтасаноат” АЖни тугатиш комиссиясига топширилди.

Шунингдек, Ўзбекистон Республикаси Давлат активларини бошқариш агентлигининг 2020 йил 8 майдаги “Ўзпахтасаноат” АЖни тугатишни жадаллаштириш бўйича 383/01-08-сон хати билан “Ўзпахтасаноат” АЖ тизимидаги соҳавий ва носоҳавий активларни белгиланган тартибда сотишни ташкиллаштириш юзасидан берилган таклифларига Ўзбекистон Республикаси Вазирлар Маҳкамасидан розилик (02/1-668-сон, 11.05.2020 й.) олинди.

Шу муносабати билан “Ўзпахтасаноат” АЖ тугатиш комиссиясининг 2020 йил 18 майдаги мажлис қарори билан “Ўзпахтасаноат” АЖ ва унинг тизим корхоналарининг активлари (кўчмас мулк, акция (улуш) пакетлари)ни ошқора савдоларга чиқариш ёки Давлат тендер комиссиясининг қарорига асосан тўғридан-тўғри сотиш” Тартиби тасдиқланди (тартиб нусҳаси илова қилинади).

Мазкур Тартиб билан, “Ўзпахтасаноат” АЖ ва унинг тизим корхоналарининг инвестиция портфелидаги акция (улуш)ларни, шунингдек улар балансидаги кўчмас мулк объектларини тасарруф этиш мезонлари ва сотиш жараёнларининг ягона қоидаларини белгилаш орқали, уларни соддалаштирилган тартибда тезкор сотилишини ташкиллаштиришга қаратилган.

Ўзбекистон Республикаси Президентининг 2020 йил 6 мартдаги ПҚ-4633-сон қарори, “Йўл харитаси”да белгиланган чора-тадбирлар ва Ўзбекистон Республикаси Бош вазирининг 2020 йил 11 майдаги 02/1-668-сон топшириғи ижросини таъминлаш ҳамда “Ўзпахтасаноат” АЖ ва унинг тизим корхоналарининг активлари сотилиши ва самарали фойдаланишини

жадаллаштириш мақсадида Ўзбекистон Республикаси Давлат активларини бошқариш агентлигининг 2020 йил 22 майдаги 418/01-08-сон хати билан “Ўзпахтасаноат” АЖ тизим корхоналарининг активларини тасдиқланган Тартиб асосида оммавий савдоларга чиқарилишини, шу жумладан активларни оммавий савдоларга чиқариш масаласи бўйича тизим жамиятларининг бошқарув органлари қарорлари қабул қилинишини ташкиллаштириш, бошқарув органлари қарорлари қабул қилинган кундан бошлаб уч кунлик муддатда активларни оммавий савдоларга чиқарилишини таъминлаш сўралган.

Юқоридагилардан келиб чиқиб “Андижон 1-сон пахта тозалаш” АЖ активлари (кўчмас мулк, акция (улуш) пакетлари)ни ошқора савдоларга чиқариш ёки Давлат тендер комиссиясининг қарорига асосан тўғридан-тўғри сотишни ташкил қилиш юзасидан қуйидагилар таклиф этилди:

“Ўзпахтасаноат” АЖ тугатиш комиссиясининг 2020 йил 18 майдаги мажлис қарори билан тасдиқланган “Ўзпахтасаноат” АЖ ва унинг тизим корхоналарининг активлари (кўчмас мулк, акция (улуш) пакетлари)ни ошқора савдоларга чиқариш ёки Давлат тендер комиссиясининг қарорига асосан тўғридан-тўғри сотиш” Тартибига асосан сотилишига розилик бериш;

Активларнинг сотилишини максимал ошқоралигини таъминлаш, шу жумладан:

сотилиши мўлжалланган активлар тўғрисида маълумотларни (эълон, плакат, инфографика, ролик) етарли миқдорда тайёрлаш;

сотилиши мўлжалланган активлар тўғрисида маълумотлардан барча манфаатдор шахслар хабардор бўлишини таъминлаш мақсадида кенг қамровли тарғибот-ташвиқот ишларини ташкил қилиш, бунда жамият жойлашган ҳудуд билан чегараланмаган ҳолда республика, имконият бўлса халқаро миқёсда тадбирларни амалга ошириш;

талабгорлардан таклифларни қабул қилинишини белгиланган тартибда ташкил этиш ва таклифлар тўғрисидаги жамланма маълумотларни “Ўзпахтасаноат” АЖни тугатиш комиссиясига киритиб бориш.

Йиғилиш раиси У.Ақбаралиев акциядорларга кун тартибидаги мазкур масала бўйича ўз муносабатларини бюллетенда овоз бериш орқали билдиришни таклиф этди.

Ушбу масала юзасидан овоз бериш натижалари:

**“Ёқлаганлар” – 2 580 518 та овоз билан 100,0%; “Қаршилар”- 0 та овоз;
“Бетарафлар”- 0 та овоз. Нотўғри тўлдирилган бюллетенлар йўқ.**

Кун тартибидаги ўн тўртинчи масала бўйича акциядорларнинг йиллик умумий йиғилиши қарор қилади:

1. “Ўзпахтасаноат” АЖни тугатиш комиссиясининг 2020 йил 18 майдаги мажлис қарори билан “Ўзпахтасаноат” АЖ ва унинг тизим корхоналарининг активлари (кўчмас мулк, акция (улуш) пакетлари)ни

ошкора савдоларга чиқариш ёки Давлат тендер комиссиясининг қарорига асосан тўғридан-тўғри сотиш “Тартиби” ҳамда Ўзбекистон Республикаси Давлат активларини бошқариш агентлигининг 2020 йил 22 майдаги 418/01-08-сон хати маълумот ва ишда фойдаланиш учун қабул қилинсин.

2. “Ўзпахтасаноат” АЖни тугатиш комиссиясининг 2020 йил 18 майдаги мажлис қарори билан тасдиқланган “Ўзпахтасаноат” АЖ ва унинг тизим корхоналарининг активлари (кўчмас мулк, акция (улуш) пакетлари)ни ошкора савдоларга чиқариш ёки Давлат тендер комиссиясининг қарорига асосан тўғридан-тўғри сотиш “Тартиби”га асосан сотилишига розилик берилсин.

3. “Андижон 1-сон пахта тозалаш” АЖ бош директорига:

ўтказилган хатлов натижаларига кўра аниқланган активларнинг сотиш тартибини белгилаган ҳолда алоҳида гуруҳларга ажратиш;

қиймати қонунчиликда белгиланган йирик битимни ташкил этувчи активларни (мол-мулк, акция (улуш) пакетлари)ни амалдаги қонунчиликда белгиланган тартибда жамиятнинг ваколатли бошқарув органи қарорига асосан сотилишини таъминлаш;

активларнинг сотилишини максимал ошкоралигини таъминлаш, шу жумладан:

сотилиши мўлжалланган активлар тўғрисида маълумотларни (эълон, плакат, инфографика, ролик) етарли миқдорда тайёрлаш;

сотилиши мўлжалланган активлар тўғрисида маълумотлардан барча манфаатдор шахслар хабардор бўлишини таъминлаш мақсадида кенг қамровли тарғибот-ташвиқот ишларини ташкил қилиш, бунда жамият жойлашган ҳудуд билан чегараланмаган ҳолда республика, имконият бўлса халқаро миқёсда тадбирларни амалга ошириш;

талабгорлардан таклифларни қабул қилинишини белгиланган тартибда ташкил этиш ва таклифлар тўғрисидаги жамланма маълумотларни “Ўзпахтасаноат” АЖ тугатиш комиссиясига киритиб бориш вазифалари топширилсин.

Кун тартибидаги ўн бешинчи масала бўйича йиғилиш раиси У.Ақбаралиев сўзни жамият бош директори Х.Абдуллаевга берди.

Ўзбекистон Республикаси Вазирлар Маҳкамасининг “Республика ҳудудларида пахта-тўқимачилик ишлаб чиқаришларини жорий этиш механизмларини янада кенгайтириш чора-тадбирлари тўғрисида” 2019 йил 18 ноябрдаги 914-сонли қарорига асосан “Андижон 1-сон пахта тозалаш” АЖ ҳамда жамиятга қарашли “Кўқон қишлоқ”, “Пахтакор”, “Янги хаёт”, “Хартум” ва “Ёр-боши” пахта тайёрлаш пунктларининг бино ва иншоотларини “Олтин мато текс” ва “Сохиб омад баракаси” МЧЖларига инвестициялар киритган ҳолда, 5 йил муддатда бўлиб тўлаш (тенг миқдордаги йиллик тўловлар) шарти билан баҳолаш қийматида сотиш белгиланган.

Х.Абдуллаев мазкур қарор ижроси бўйича маълумот берди.

“Андижон 1-сон пахта тозалаш” АЖга тегишли бўлган мол-мулк ва бино-иншоотларини баҳолаш учун махсус лицензияга эга бўлган “Баҳолаш ва консалтинг маркази” МЧЖ баҳоловчи ташкилоти билан шартнома тузилган.

“Баҳолаш ва консалтинг маркази” МЧЖнинг 2020 йил 05 мартдаги баҳолаш ҳисоботларига асосан жамиятнинг барча мол-мулклари баҳоланиб, **26 744 265 018 сўмни** (Пахта тозалаш корхонаси ва завод қоши пахта тайёрлаш пункти 13 927 038 723 сўм, “Ёр-боши” пахта тайёрлаш пункти 1 772 533 553 сўм, “Хартум” пахта тайёрлаш пункти 3 367 024 846 сўм, “Қўқон кишлок” пахта тайёрлаш пункти 1 434 260 952 сўм, “Пахтакор” пахта тайёрлаш пункти 2 641 872 241 сўм ҳамда “Янги хаёт” пахта тайёрлаш пункти 3 601 534 702 сўм) ташкил қилди, жумладан бино-иншоотлар **26 744 265 018 сўмни** ташкил қилди.

Бир дона акцияларнинг бозор қиймати _____ сўм деб баҳоланган.

“Баҳолаш ва консалтинг маркази” МЧЖнинг 2020 йил 05 мартдаги баҳолаш ҳисоботлари “Консервис” МЧЖнинг 2020 йил 28 майдаги № 99/20-сонли экспертиза хулосаларига асосан ҳаққонийлиги эътироф этилган.

Жамият бош директори Х.Абдуллаев сўзга чиқиб, жамиятнинг пахта тозалаш корхонаси бино-иншоотларини Вазирлар Маҳкамасининг тегишли қарори асосида баҳоланган қийматда сотиш мақсадга мувофиқлигини айтди.

Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 40-моддасига асосан:

- овоз берувчи акцияларнинг эгалари бўлган акциядорлар жамият томонидан йирик битим тузиш тўғрисида акциядорларнинг умумий йиғилиши томонидан қарорлар қабул қилишда, агар улар қарши овоз берган бўлса ёхуд овоз беришда узрли сабабларга кўра иштирок этмаган бўлса, ўзларига тегишли акцияларнинг ҳаммаси ёки бир қисми жамият томонидан қайтариб сотиб олинишини талаб қилишга ҳақлидир;

- ўзларига тегишли акциялар жамият томонидан қайтариб сотиб олинишини талаб қилиш ҳуқуқига эга бўлган акциядорларнинг рўйхати акциядорлар умумий йиғилишида иштирок этиш ҳуқуқига эга бўлган жамият акциядорлари реестрининг маълумотлари асосида тузилади;

- ўзларига тегишли акцияларнинг жамият томонидан қайтариб сотиб олиниши тўғрисидаги ёзма талаблари акциядорлар умумий йиғилишининг тегишли қарори қабул қилинган кундан эътиборан ўттиз кундан кечиктирмай жамиятга тақдим этилиши ҳамда мазкур муддат тугаганидан сўнг жамият томонидан қайтариб сотиб олиш талабини қўйган акциядорлардан акцияларни ўн кун ичида бозор нарҳида қайтариб сотиб олинади.

Жамият томонидан акцияларни қайтариб сотиб олишга йўналтириладиган маблағларнинг умумий суммаси акциядорларда ўзларига қарашли акцияларни қайтариб сотиб олишни талаб қилиш ҳуқуқи юзага келишига сабаб бўлган қарор қабул қилинган санадаги жамият соф активлари қийматининг ўн фоизидан ошиб кетиши мумкин эмас, бундан жамиятнинг ўзгартирилиши ҳоллари мустасно. Қайтариб сотиб олиш талаби қўйилган акцияларнинг умумий сони ушбу қисмда белгиланган чеклов инobatга олинган ҳолда

жамият томонидан қайтариб сотиб олиниши мумкин бўлган акциялар сонидан ошиб кетган тақдирда акциялар акциядорлардан қўйилган талабларга мутаносиб равишда қайтариб сотиб олинади.

Шундан сўнг йиғилиш раиси У.Акбаралиев сўзга чиқиб жамият акциядорлардан ушбу масала бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:
“Ёклаганлар” – 2 580 518 та овоз билан 100 %;
“Қаршилар”- 0 та овоз; “Бетарафлар”- 0 та овоз.
Нотўғри тўлдирилган бюллетенлар йўқ.

Кун тартибидаги ўн бешинчи масала бўйича акциядорларнинг йиллик умумий йиғилиши қарор қилади:

1. Ўзбекистон Республикаси Вазирлар Маҳкамасининг “Республика ҳудудларида пахта-тўқимачилик ишлаб чиқаришни жорий этиш механизмларини янада кенгайтириш чора-тадбирлар тўғрисида”ги 2019 йил 18 ноябрдаги 914-сон қарори ижро учун қабул қилинсин.

2. “Андижон 1-сон пахта тозалаш” корхонасига қарашли бўлган барча бино-иншоотларини баҳолаш қийматидан паст бўлмаган ҳолда хатловдан тўлиқ ўтказилиб “Олтин мато текс” ҳамда “Сохиб омад баракаси” МЧЖларга тўлиқ сотишга рухсат берилсин.

- Жамият ва масканлар балансидаги асбоб-ускуналар ва товар-моддий бойликлар кунунда белгиланган тартибда кластер ташкилотларига ижарага беришга розилик берилсин.

3. Жамият Бош директори Х.Абдуллаевга қуйидаги шартлар асосида шартнома тузиш ваколати берилсин: - “Андижон 1-сон пахта тозалаш” АЖ ва “Олтин мато текс” ҳамда “Сохиб омад баракаси” МЧЖлар ўртасида мулкий мажмуани сотиш бўйича олди-сотди шартномасини тузсин;

- “Андижон 1-сон пахта тозалаш” АЖ бино-иншоотларини умумий қийматини 5 йил муддатда бўлиб тўлаш (тенг миқдордаги йиллик тўловлар) шарти билан 2020 йил 31 декабрига қадар 20 фоизини қолган 80 фоиз тўловларни 2021, 2022, 2023 ва 2024 йилларнинг 31 декабрига қадар 20 фоиздан.

- “Андижон 1-сон пахта тозалаш” АЖ сотилиши муносабати билан тўлиқ тугатилиб давлат реестридан чиқарилгунга қадар жамият ходимларига(тугатиш ходимлари) идора биносидан _____ та хона ва _____ та омборхона(текинга) фойдаланишга қолдирилсин.

5. “Андижон 1-сон пахта тозалаш” АЖ тўлиқ тугатилиб давлат реестридан чиқарилгунга қадар жамият бош директори ва керакли мутахассис ходимлар лавозими сақлансин ва ушбу лавозим ходимларига мулкий мажмуа қиймати ҳисобидан жамиятнинг ҳисоб рақамига инвестор томонидан тўланадиган пул маблағлари ҳисобидан ойлик иш

хақи тўланиши таъминлансин ва бу тўғрисида “Ўзпахтасаноат” АЖга доимий маълумот киритиб борилсин.

6. Жамият томонидан акцияларни қайтариб сотиб олиш акцияларнинг бозор қиймати бўйича яъни 1 (бир) дона акцияни қайтариб сотиб олиш баҳоси – _____ сўм қийматида амалга оширилади.

-Жамият акциядорнинг ихтиёридаги акцияларни ёзма талабига асосан сотиб олади. Ёзма талабда акциядорнинг яшаш жойи (жойлашган ери) ва унинг қайтариб сотиб олиншини талаб қилаётган акциялар сони кўрсатилган бўлиши лозим. Акциядорларнинг ўзларига тегишли акцияларнинг жамият томонидан қайтариб сотиб олинishi тўғрисидаги ёзма талаблари акциядорлар умумий йиғилишининг тегишли қарори қабул қилинган кундан (___.___2020 йилдан) эътиборан ўттиз кундан кечиктирмай жамиятга тақдим этилиши керак. Мазкур муддат тугаганидан сўнг жамият қайтариб сотиб олиш талабини қўйган акциядорлардан акцияларни ўн кун ичида қайтариб сотиб олади.

Бунда Жамият томонидан акцияларни қайтариб сотиб олишга йўналтирилладиган маблағларнинг умумий суммаси акциядорларда ўзларига қарашли акцияларни қайтариб сотиб олишни талаб қилиш ҳуқуқи юзага келишига сабаб бўлган қарор қабул қилинган санадаги жамият соф активлари қийматининг ўн фоизидан ошиб кетиши мумкин эмас.

Акциядорларнинг йиллик умумий йиғилиши томонидан қабул қилинган қарорлар эълон қилинганидан сўнг, йиғилиш раиси У.Акбаралиев акциядорларга уларнинг иштироқи учун миннатдорчилик билдириб, йиғилишни ёпиқ деб эълон қилди.

Йиғилиш раиси



У.Акбаралиев

Йиғилиш котиби



М.Мўминов

Йиғилиш баённомаси 2020 йил 24 июль куни 2 (икки) нусхада тузилди.